

## A world that's sairly failin

Throughout human history droves of people have happily given their support to “vile smirkin conmen”. Unfortunately, most of the rest let them get away with it.

Progress in this world o ours  
is far fae juist plain sailin,  
for here oor fellow man ensures  
a world that's sairly failin.

Blade an bullet strike an storm,  
puir helpless flesh impalin;  
for veecious cruelty is the norm  
in a world that's sairly failin.

Yet we see folk in thoosands stand,  
vile smirkin conmen hailin.  
They bow an scrape at their command  
in a world that's sairly failin.

See leaders roar an storm an strut,  
preposterous plans unveilin.  
The earth they'll promise tae us, but  
the hale world's sairly failin.

Be shair they'll burst the hale balloon!  
Fond hopes are unavailin,  
for maist juist keep their heids weel doon  
in a world that's sairly failin.